

重修黃縣志序

士君子仕於是邦而志於其地者凡山川之險阻夷塞壤地之沃瘠墾墾土宜之原戶增田土風俗政令賦役之繁以及古今維繫之由無不明其原委要其始終以爲立政出治之本故能制時之宜因民之利豈不能一日忘也及其去也若有所繫於其懷而不能自忍而其民亦相與眷戀繫維而不能自己是非有積信之深何能上下之誠款如是也且天下惟信之深斯傳之久耳國之有史邑之有志家之有義皆所以傳信者然不得其人與得其人而不信於時皆不能傳於後故曰無徵不信不信民勿徂焉黃邑之有志者矣善未知當時作者何如然所傳不能無疑且自乾隆丙子至今百餘年矣修復多遺佚同治己巳奉新尹堤軒由鎮野轉任是邑堤軒篤信士也積學舉於鄉以朝臣薦赴闕授縣令來東于時從戎馬後得交之常與訂文字之雅越辛未子由濟守奉

命監三齊通黃堤軒適以疾引退留之不得而告於子曰邑志多調令之責也在官鮮暇不得一執筆今去矣邑之人猶以爲請難忍置如之何子曰民信子矣盡爲之越壬申正月子有役復過黃堤軒來見曰幸未辱命書以成閱之井如也爲目十爲卷十四畢黃志之誤者更之佚者補之信者因之疑者闕之疑而明簡而精而面不存詳而不濫凡邑之山川之險阻夷塞壤

地之沃瘠物產土宜之原戶增田土風俗政令賦役之繁以及古今沿革之由無不明其原委要其始終而於表彰人物之權尤斤斤焉加之意是非日以民爲念若有所繫於懷者何能若此宜其民亦眷戀繫維不能自己而必以是志爲請以期得其人而傳信於後也予既嘉是書之成而尤嘉黃之士大夫之能誠款如是而相與有成也夫黃濱海一巖邑耳近歲以來言東海富庶之區者曰維維與黃其科名文物之美冠縵世族之盛亦惟二邑爲最然雖尙在邦域中黃則濱絕海隔距都會益遠其民習貿遷之利航海遠涉輕去其鄉方今

聲教覃敷山海弛禁烏也雕題之輩重譯來享率逐逐於什一黃縣志

而惟利是視黃之俗既習於此耳目所濡染尤近則防微杜漸之尤爲亟亟矣堤軒歸矣後之官斯土者覽是編之備所宜深思遠慮制時之宜因民之利自握乎立政出治之本期能大有所造於斯黃也予念之子亦不能一日忘也是爲序

同治十一年歲次壬申四月

賜進士出身

黃縣花翎布政使銜山東登萊青兵備道兼東海關監督關縣

黃縣志

黃縣志目錄

黃縣志備修於嘉靖乙巳再修於崇禎庚辰康熙癸丑三修乾隆丙午四修其書因陋就簡不無不該既無以壓人心又自乾隆丙子至今百有餘載紀載闕如故實就渾有識者思續輯重訂蓋已久矣同治己巳春繼美奉檄來令黃越明年王君春農胡君鑑如欲屬修輯之役愧學博袁劉二君以告時味讓未遑也今夏解組趙君百川張君二南偕縣人士復以爲言且陳詞新令吳君澤南請於院司道府長官檄留舉其事繼美何敢多讓焉爰集眾彙纂彙碑碣羅諸牒分考互稽條次類編曰疆域曰營建曰食貨曰職役曰祥異曰

黃縣志目錄

秩官曰選舉曰人物曰藝文曰雜事篇凡十卷凡十有四月開五而書成稿凡數易云參校爲黃縣教諭袁思振訓導劉敬修前德興知縣趙有悌博平教諭趙源海內閣中書丁培芸參校分纂爲雋南知縣王棠二三四卷舉人張庭詩藝文志卷一王漸鴻藝文志採訪爲舉人謝有信單炳翰諸城教諭姜均書樂安教諭丁祥麟恩貢生王鵬翔副貢生梁士鴻歲貢生仲緒業王鍾琴劉化行丁鶴琴廩貢生王荆聖馬廷鈞增貢生王蘭柑杜靖趙騰雲林洪茂附貢生王升如廩膳生王德鄰呂協五楊振鐸增廣生康廣仁曲培其附生鄭長現覆校爲署平原訓導張敬原貢生張夢辰增廣生王守謙附生趙

彭彬丁世恩王常益監生丁毓桂皆有功於志事例當並書修志義例具見卷首志目著錄如左同治十年歲次辛未孟冬月候補同知前鉅野縣調署黃縣知縣豫章尹繼美謹識

卷之一

疆域志

卷之二

營建志

卷之三

食貨志

卷之四

賦役志

卷之五

祥異志

卷之六

秩官志

卷之七

選舉志

卷之八

人物志一

卷之九

人物志二

卷之十

人物志三

卷之十一

人物志四

卷之十二

藝文志上

卷之十三

藝文志下

卷之十四

雜事志

黃縣志目錄

黃縣志卷之昔

修志凡例

一縣舊志體裁不齊亂雜無章今依類編次頗有條理參觀白見沿革一條舊志尤合此不清宜為續山東考古錄所深斥今特考證正史及元和志靈宇記諸書以訂其誤

舊志多舛誤如後漢書黨錮傳外黃令毛欽志於李鵠傳引

其文刪外字稱黃令以致通志 大清一統志並沿誤載作

黃縣名臣或疑字鵠係黃人毛欽追後至為家宜為黃令不

者隨處追逐後又如太倉令潘于意史記明著臨淄人志乃

載作黃人且載其女嫁於列女傳之首潘于恭于定國後

黃縣志 卷之昔

漢書一著北海潘于入一著東海鄉人志並載作黃人且說

于定國為潘于定國今據正史或訂或刪係則隨條辨正不能悉數

縣古蹟舊志載參鵠瞻在縣東五里唐太宗東征父老迎鵠

處按唐書本紀貞觀十九年二月伐高麗皇太子監國於定

州四月舊師於幽州五月次遼澤六月大敗高麗於安市城

東九月班師十月次營州皇太子迎謁於臨渝關刻石紀功

於懷武臺十一月饗軍於幽州往返俱未由東萊舊志誤矣

又舊志載牟州城在縣東南十五里馬嶺山高齊天保七年

移牟平治於馬嶺山南置牟州即此山東通志說同按舊志記云牟

平故城在蓬萊縣東南九十里舊齊天保七年移於今黃縣

東北七十三里馬嶺山南置又云隋開皇三年改長廣郡為

牟州大業三年廢唐武德四年又於中郎城置牟州是牟州

城即長廣郡城亦即中郎故城改於隋復於唐非置於齊天

保齊天保所移之牟平縣在黃縣東北七十三里馬嶺山當

在今蓬萊界內續山東考古錄謂在蓬萊舊志謂在黃縣東南

十五里馬嶺山恐誤以牟平城為牟州城尤誤故均不錄

紀山水必加考覈如舊志稱界首河由馬亭入海隋家鹽河

由白沙入海通志今考界首河實由河抱村西北入海隋家

鹽河實由河抱村東北入海又如通志稱老黃河流經竹園

村受聖水泉至孫家鹽入絳水河亦不免有誤今俱正之

黃縣志 卷之昔

戰東高小渠在縣北二十里自劉家村發源西入於海今考其地乃無此渠故不錄

秩官舊志有表其宦績最著者別立名宦傳今合為一選舉

中進士舉人舊志亦有表今並改為一體

秩官蒞任年分舊志不免錯誤如載明知縣劉淵宏治元年

任王道宏治七年任今考葉序重修黃河寨城記稱宏治已

酉縣令范君又考學宮有宏治丙辰劉淵重修文廟記已酉

宏治二年丙辰宏治九年也以此類推誤必多矣今無從考

正姑仍舊而附著於此

一舊志於選舉兼詳文行非例也然其人既未立傳刪之則沒

其善故仍之黃生科目及年分或詳或不詳今均仍舊

一舊志有納貢例監二類人考雍正初年以前捐納貢監必入監肄業故捐納甚少近日捐納益多載則累牘乃議由生貢捐納貢生者錄之例監則不錄以示有限制又舊志有出仕雜職一類今倣其例捐職出仕者職雖小必載捐職榮身者職雖大不載亦示有限制

一封贈一類舊志未有捐納今推廣其例崇孝思也後人或議例覽損益隨時原無成例

一自乾隆二十一年以前秩官人物其傳均仍舊志稍為潤色開有潤色不能盡者如乾隆二十二年以後良吏治績不免別駕郡伴等字是也人往風微紀載簡略所紀人物頗詳然皆經縣紳再三訪察

黃縣志 卷之四

始為纂錄故詳列採訪姓名於志末

一淳于晏五代史載登州人舉明經及第

並見選舉府志亦載黃縣人今考淳于氏家譜所載晏墓碑

文明著年平人宜入甯海州志不宜入黃縣志故不敢錄

人亦誤嗣考甯海州志竟未入特書此俾後修登州府志訂

其誤修甯海州志補其闕焉

一廟寺墓碑最有益於志乘如曹元高文廟碑

赤峻生主簿劉璣縣尉董實前高苑

主簿遇瑞教諭張相州史張文興

東杜瑄主簿兼縣尉夏珪東嶽廟記杜瑄

伯玉縣尹孔思問從善東嶽廟記杜瑄

氏三世遇珍墓碑等仕宦七人靈源觀碑

王志全等道士七

人得以補訂舊志闕誤於此見採訪之功為不細矣

一詩文必關縣公事及縣勝迹乃得入志私家贈答之作載不

勝載今以此定去取之衡舊志已載者從刪未載者不錄若

唐太宗觀海詩作於遼東柳宗元劉禹錫題酒于髮二詩作

於襄城皆於縣無與故俱刪

志中引舊縣志或稱舊志或稱縣志引舊府志

修縣志林校正康熙甲戌任略


重為修輯大抵多仍施氏之舊或稱府志或單稱府志引



續府志乾隆壬戌承泰則稱府志以別之引山東通志或


稱山東通志或單稱通志引鄭漁仲通志則稱鄭氏通志以


黃縣志 卷之四


縣境圖 每方十里 西都連界











黃縣志

卷之首

舊志序跋

南



余自辛丑來官茲土即以邑志詢多士僉曰邑久無志正德間
府委庠敘王君治偕生儒張汝霖姜廷琇纂之亦未底績乃祇
遺棄前後二冊余展閱閒但見詞浮而誇類舛而訛且畧而不
詳泛而不切奚其志迨甲辰歲方將開局延士肇修厥志適中
京竹坡彭子鍾者掌邑庠敘偕司訓中山陶子達相與協力贊
相禮請邑上舍忠齋王子廷諫復齋王子守初庠生王子坪張
子光裕張子明儒王子三顧王子本亭宋子公宇以觀厥成忠
齋王子輩喜於有爲羣相漁獵經史採摭載籍考古蹟會衆說
以至破篆籀石門不細閱於是緒之以圖立之以表第之以卷

分之以類其敘事也辨而質其立例也嚴而詳明而簡質則不失之誇詳則不失之繁簡則不失之畧以是成志志斯善矣彭子可謂舉不失選矣夫志以記實也昔左史記言右史記事昭實勝也邑之有志猶國之有史黃自唐開元以來千百餘年代凡幾易治凡幾更志無所傳亦存乎其數焉耳觀邑乘者不能無憂也志之成也君子謂其可以觀數焉茲將梓以傳也余爲之言書諸首簡嘉靖乙巳知黃縣事賈璋

夫邑必有志志記也卽古者圖記之意所以記其實也故自先王建邦啟土之後邑有大小而皆各述其所有以備觀方者之所稽如戶婚田土風俗政令以至賦役人物之類一無所畧焉

黃縣志

卷之四

五

黃縣爲東牟名邑歷千餘年無志誠缺典也蒲坂賈侯月峰奉命來令斯土始至卽欲修志然值時多艱未暇也迄茲二稔政通人和廼曰邑無志則事失實而考古驗今者舉莫之取信也於是決意纂之適余小子以司教事繼至遂命擇學博行修之士相與窮搜經史旁及羣書兼以父老之傳聞殘碑斷碣之所記載襲舊開新不月餘得若干卷侯之善政善教亦並書焉非誇也不沒其實耳是故其事核其詞直其考詳而備得史氏之遺風後之人採風而過茲土當亦開卷而瞭然矣嘉靖乙巳黃縣教諭彭鍾

黃古萊子舊國列於成周輿圖自漢置縣蓋舜典義仲平秩分

宅禹書萊人作牧之地著見於經傳圖籍者也乃邑志則唐宋無所考迄明正德中學博王君始倡修舉僅存遺棄二冊未遑卒業及嘉靖之二十四禩蒲坂賈公宰黃成志去今又九十餘禩矣人情物理不無變遷兼值兵燹之餘圖書灰燼余於崇貞八禩捧檄牧黃不勝黍離之感焉因搜邑志舊帙得於宦遊鄰架旁求郡乘抄本借梓府樊囊博稽羣集禮延宿士參訂於紳衿父老之見聞舊刻有冗蕪浮詖者刪之事物之關係地方而有確據者增錄之徵文考獻務求無忝於士鄉凡幾易晦朔幾經筆削而訖有成書卷分十類綱舉目張豈余一人之力實兼成於博雅諸君子也按史筆莫若春秋馬遷而後延及於班固

黃縣志

卷之四

六

始完西漢之書國史邑志廣狹異耳殆未易言也矧余極謫陋又何敢謬妄續紹唯是五年牧養政拙心勞觀鴻澤之新集履滄桑之更變擬繪俠圖念搶攘於干戈修府事於歌敘未能益贊若夫狐邱銅穴種種非黃之產而苦於本色之強駢牡羽檄一一非黃之事而慟以代受之偏思陳誼策錫脩書安得萊子廣斥之濱化成謳歌擊壤之隆則余回首周漢仰止尼山志在三代之遺意也崇貞庚辰春月關中任中麟

卽我

國家生聚教養海濱山陬莫不暨訖應垂之邑乘以見

聖君賢相經綸之盛而仍以舊帙塞責幾謂官此地者有秦無人之嗟矣予以庚戌之冬來守茲土凋敝流亡撫綏周張亦時念及而未遑也癸丑春奉

詔天下咸修郡邑志予乃潔清公署延邑紳及庠弟子繕遺藁輯舊聞進邑之耆老公論巷議每一冊成與同官豫章蕭子介巷關中姚子瑞石暨學博張子龍弼商確參酌凡八閱月三易案而成書得八卷鳩工剞劂將竣予因弁言於首曰休哉我情之治也於黃志一徵矣讀賦役而見畫一之徵也讀戶口而見生齒之繁也讀驛遞而知馬卒之飽騰也讀節孝而知風教之廣洽也讀人物而知升造之優異也讀文藝而見邑之安阜

黃縣志 卷之首

七

無勞怨之聲也休哉非志曷傳非志曷永耶然斗大一城僻在海濱而與名邑等亦有邑志之不及載者有四美即爲四累予偶舉之以補斯志之缺乎黃地四平呼應最靈民之遭賦絕少美矣然以急公爲性而人鮮蓋藏追呼之下于母之利徒飽市猾也累一黃爲登萊通衢使客皆東道馬自東徂西彌望皆膏田加以林木森蔚儼然一富庶鄉美矣而瀕海之地斥鹵百餘里南山之下多石田不可耕累一登州八屬惟黃產木民閒養生送死爲極便器用之具皆遷他州美矣然種樹之計必須十年民閒往往舍沃壤以藝植公家興作必取辦於黃而輸木之夫非市木之人累三黃地狹人稠有田者不數家家不數畝葺

庄者惟貿易爲計而婦女尤勤紡織美矣然一遭儉歲粟必行三四百里則潮重難致而逃亡者多累四不僅此也而其宜墾諸者有五焉黃縣城垣修整濠塹深峻城巨鎮也城內民居鮮少地皆石族園林今天下晏如民皆散居關外設當多警之日將置民城外乎誰與守將驅民入城乎誰爲居未雨綢繆可不計乎則應宜復也黃有四都萊都則極小積合都而不及別都之一大社乾廬平三都亦有小社不及大社之一甲大者便安而拘成例小者怨苦而多流亡則社甲宜均也家有塾黨有庠所以化民也而黃自世家而外讀書者少以故少年皆呼盧博塞比戶咸尙鬼疑神尤其甚者以財爲婚娶同族而雀鼠則

黃縣志 卷之首

六

風尚宜更也名重南楚材表東吳濱于太史非猶是山海間氣乎嗣是而登臺垣躋公輔代有人焉近者黃之庠士恆產極少株守者嗟黃蕭之不繼便捷者逐什一以謀生固多醇謹亦見桃達則士習宜端也往者登爲要地士馬如雲加以海運通商商旅如歸以故黃四門集市之外尤設鄉集四而定稅額歲爲成規今商販寥落矣在冊之例不可遽減而散行稅於居民查雜稅於土產則稅課宜減也他如狐邱銅穴花絨弓面雖非土產而戰在上貢皆官此者知其累思有以補救之而未能力因而誌其畧於篇端儻采風君子覽而念諸則黃之有志可與陳詩例矣康熙癸丑冬月知黃縣事李蕃

欽惟我

皇上天威遠震聲教覃敷海隅日出之鄉莫不奉冠帶稟正朔執玉帛而朝

王會幅員之廣亙古未有也然異域殊方版圖遼闊遠者以億萬計近亦不啻數百里其民風土俗美以周知而無遺則郡邑之志不可闕也雖然其事有難焉者天有時地有氣人有品三者遞爲升降其勢或百年而一易或數十年而一易是故當斯任者非博不足以致其詳非信不足以覈其實非明且斷不足以參時勢之變消羣言之惑昔班孟堅地理志自漢成帝時劉中壘已略言之迨丞相張禹使朱轅條其風俗而後固始輯爲黃縣志

卷之首

光

成書何其難且久也蓋古人著一書必使其信今而傳後而況一邑之志下之備文人學士之流覽上之備

朝廷乙夜之咨詢顧可擇焉而不精語焉而不詳與舊書稱太仲作三都賦門牆藩溷皆著紙筆構思十年乃成何難久如此此亦如其序所云美物者貴依其本諸事者宜本其實非本非實者奚信一賦如此志可知已登州之黃縣於春秋爲萊子國於東漢爲東萊郡治自楊伯起以清白爲治如李忠之武略子義之急難消于雍之孝行一時王元之石曼卿輩爲之歌詠至今藝林以爲美談即前明范玉坡相國晚年遯迹空山登扁而泣飲酒而悲溯其遺風廉頑立懦實爲東海望邑余自戊辰

奉

恩命保釐三齊行部所至輒訪求前輩名臣之廟貌丹牘而塗壁之或復其舊宇或鳩其式廓不忍淪於草莽至其子姓之貧乏不能自存承祀之似續不繼者亦多方爲之懲慰而邑里之故家遺俗有關風教者必爲獎借不衰甲戌春受

天子命陳臬中州匆匆就道未得東過黃腫作別蓬島芝罘之勝然二東人物山川至今猶往來余懷也乙亥予告歸養親承色笑歡事高堂皆

皇上所賜也閉門埽軌除一二親知外不相聞問一日刷啄叩門聞人以黃邑大夫睢州袁質園札呈質園余故人也憶余巡黃縣志

卷之首

干

視東牟見其集書院生徒躬行考課修四城雉堞樓櫓嶧嶺園商賈之屬各安其居黃髮垂髫之倫各得其所不爲大車雲衣之治而有易直子諒之風蓋以古治治東黃者也惟誦畢乃以所修邑志請敘於余惟修志與作史異史有美惡而志但記美然與國史不協縱極力鋪張只屬浮詞又如志人物志山川當志其落落大者若無可記載而以鄙瑣者當之尤不足當方家一嘆且以里人紀桑梓事易失之遺寡昧有載筆任每近於俗非博且明信且斷者烏足與於此余聞黃志質而不俚華而不靡條分縷析而一歸於謹嚴可稱著作之才也蓋袁氏自勝國迫我

朝申科鼎盛而賢圖以聰明穎悟之姿少承家學當爲帖括時
卽以汎濫爲洪博其於經史子集含英咀華者久故其筆墨之
就慎文字之典雅非循行數墨者所可及今者

聖天子登教選設方有事於西陲地理之書而賢圖之志適成
君臣一德地天交泰之盛此可徵矣侍老親晚膳畢挑燈染翰
而敘於隱拙齋之勑經堂時乙亥重陽前一日仁和沈廷芳

今天下郡邑莫不有志所以備稽考彰往軌發幽光信今而傳
後也第天道遐邇人事日益若不加增輯恐歲久易墮事蹟多
缺此續修之功如賒實急黃於東漢爲東萊郡治固海上一名
邦也戊辰冬余備嘗茲土下車之日見雉堞不完輒爾怒然顧

黃縣志 卷之首

三

頻逢歉歲撫恤不遑歲癸酉兩陽時若年穀順成廼捐薄俸與
邑之紳士謀繕城垣衆情欣躍鳩工庀材不數月而告竣雖未
能比擬金湯亦足壯觀瞻資捍衛而余願一酬聞嘗於簿書餘
閒檢閱舊志創於嘉靖乙巳一修於崇貞庚辰再修於

本朝康熙癸丑迄今八十餘年板藏既久字跡模糊且中多帝
虎之誤急須更正况幽貞之士孤嫠之莠不擇地而生亦隨時
而有甯忍聽其沈埋於荒谷窮山中表潛德以式來茲此固風
化所關而實有司之職也修志之舉積念有年爰於乙亥年延
邑中紳士分門別類各受一冊俾令爬羅剔抉用期廣益集思
教請曲城毛君而商確焉就八十年中所散見者彙而成帙凡

國家建置則書之見踵事增華日臻美備也名宦有偉績者則
書之見蕭步曹趙後先輝映也人物必考其實見扶輿毓秀
層出不窮彰既往之風規爲後來之激勸也至明季孔李之亂
城池失守當年殉節諸人載筆者間有缺畧茲獨爲一卷附入
行誼之下俾忠烈之氣爭光日月雖與他志微有不同亦大書
特書之義也其孝友行誼節婦賢媛未註以某呈不沒諸君搜
求之功也其他條例各按舊志以類相從計經始及訖工閱五
月而觀成而余願再酬猶憶丙辰夏余蒞任鄧陽楚人尙詐余
設誠待之在任十載民不我欺比北還揮淚而送者不知凡幾
迨泣芝陽其俗與光邑遠勝士習醇厚民風樸實獄訟稀少劉

黃縣志 卷之首

三

竊罕聞休養生息余固自視欣然惟此愛民之心八年恆如一
日而爲台邑所共喻夫以一邑之大應舉之事豈止一二端卽
如境內文基等十七社水衝沙壓地約有四千餘畝耕耨難施
賠糧貽累余竊念請豁因從前尙未報案不便遽詳此余未酬
之願蘊結於中寤寐莫釋者異日機有可乘積累可除回愜余
懷不然深望後之君子爲民請命匡余未逮余不且爲芝陽千
百戶手額而志慶哉志旣成付之剞劂爰述其畧於篇首毛君
名贊字師陸掖縣廩膳生東萊知名士也乾隆二十一年歲在
丙子季夏月知黃縣事襄臺袁中立撰
邑之有志前人重輯越今八十餘年矣歲月旣久文獻難徵此

續修之舉洵不容緩也雖陽袁公宰是邑政通人和百度具舉於是謀諸紳士博收見聞裁以意匠訂其舊增其新煥然改觀志分野則星宿增輝志封域則山河生色志城郭宮室則壯麗如在目前人物有志節義出其中功名亦出其中想見作養之厚藝文有志若者詩賦若者章奏恍如雲蒸而霞蔚則成付梓其非僅一邑之志之謂其謂備

國史之採擇昭當世以貽來許也天位秉鐸於茲幸逢其盛樂觀厥成故殿之以言云爾儒學教諭祝國苑天位跋

韓子曰莫爲之爾雖美不彰莫爲之後雖盛弗傳黃志自西蜀李公纂輯而後蓋八十餘年矣我

黃縣志

卷之首

五

國家大猷允升日新月異蒸蒸彌隆而輶軒下訪僅得八十餘歲以上之風規其善政善教之湮沒而不彰者何可勝道誠缺典也中州袁公撫有茲土慨然念之博採輿論運以精心因邑舊乘加之新裁於是政治攸彰文物不著戶口釐然誦俗井如而

聖君賢相之黼黻贊襄與良有司之生聚教訓使東海之濱莫不幸俾者遂較若列眉明如指掌於戲休哉視西蜀李公爲能擅美於前而以之取鑑於奕葉洵可傳於後矣前歲甲戌公嘗重修城垣擇可勞而勞金湯巍煥民情豫悅蓋抱倅畧識大體其爲政率務其重者遺者爲黃民數世利至深遠也歎忝訓茲

邑得與勝舉爲書數語以資於後儒學訓導古中都張默跋

附袁志校刻姓氏

校閱辛酉科舉人王嗣周癸酉舉人戚綸祖丁元鵬廩生郁友龍王克登附生王敏採訪濟甯州訓導李欽歲貢生王名成廩生王當仁選廷柏呂夢卜增生鞠節中瀘于信附生徐志學刻志首事附生王顥助刻武舉趙佃監生馬國樞丁琛謄錄書辦李培錦宋志洪辦事書辦李廷廷

黃縣志

卷之首

五

黃縣志卷之一

疆域志

建國置邑綱舉目張或併或分因革何常畫疆以治訓俗型方勒成一書和樂平康志疆域

一沿軍縣之域危星分野漢志齊地虛危之分野古為青州岫

夷地釋文引馬融云岫海岫也夷萊夷也薛季宣以為登州之

今釋以為朝鮮說亦相通蓋齊乘指為南海州說不相遠地理

州遼東亦青州岫夷之域也路史以為遼西稍別周為萊國

六後併於齊齊魯二年秦為齊郡東鄙漢為黃縣黃為縣名

地理志故元和志云黃水漢舊縣黃字記亦云黃漢縣史記秦

始皇本紀有東嶺黃縣之文疑其時黃縣為地名尚未置黃縣

郡蓋因史記之文而意度之非有他據也隸青州部東萊郡治

黃縣志卷之一

掖縣志記高帝四年韓信其治在今治東南二十五里所謂

東黃城也後漢為東萊郡治省徐鄉縣入焉見寰宇記詳後晉隸東萊

國宋隸東萊郡晉治掖來治曲城元魏隸光州部東牟郡據魏

志皇興四年分南州置光州治掖城其以東萊之牟平黃嶺觀

縣置東牟郡據寰宇記則在武定元年武定魏靜帝年號也晉

郡下脫某年置治某縣之註而錯出陽夏郡下孝昌四年分東

明陳留置治元武泰稱孝昌四年置陽夏郡此又魏書地志之

之也東牟郡治縣高齊郡廢縣徙今治省嶺縣來人魏書地志之

長廣郡長廣郡亦治隋開皇初郡廢隸牟州大業初州廢元和

牟郡高齊廢隋開皇三年改為牟州大業三年廢隸東萊郡

皇五年改東萊郡唐初隸牟州武德四年以牟尋廢牟州

隸萊州東萊郡統屬於河南道武后如意元年長壽元年四隸登州東

牟郡今南海州治中宗神龍三年縣徙治蓬萊鎮萊鎮字記徙蓬

更名蓬萊唐書地志說見後寰宇記為登州東牟郡治時郡由

治睿宗先天元年析蓬萊別置黃縣徙還今治宋隸如故統屬

東萊金隸登州而省東牟郡之名統屬於山元如故元初登州

中統四年隸淄萊路至元二十四年明洪武九年升登州為府

縣隸如故統屬於山東國朝因之

東黃城之為漢縣舊治無疑矣今治為北齊所徙亦信唐李

賢注後漢書高宗上元二年下距神龍三年其注李忠傳

云黃今萊州縣也故城在縣東南考東黃城在今縣治東南

黃縣志卷之一

二十五里正與李注相合元和志故黃城在縣東南二十五

里寰宇記黃漢縣屬東萊郡故城在今縣東南二十五里高

齊天保七年移於今理明統志漢黃縣治在今縣東二十五

里北齊徙今治按魏書地志黃縣下注云有黃城疑魏時已

又不自北齊始矣或疑魏時縣與新唐書地理志如意元年

東牟郡同治中即城並存以備考

以萊州之牟平黃文登置登州東牟郡神龍三年徙治蓬萊

又於蓬萊注云本黃神龍三年更名於黃注云先天元年析

蓬萊置是黃之為縣田東黃城徙今治由今治徙蓬萊由蓬

萊徙還今治也神龍三年下距先天元年僅十府舊志云貞

觀八年置蓬萊鎮神龍三年遷治蓬萊鎮改曰蓬萊為登州

治先天元年析蓬萊之黃冠村別置黃縣其說多據唐書地志貞觀八年置蓬萊特於遷治蓬萊之先未詳縣治何所尙屬疏瀾且以今治爲黃冠村亦不足據也縣志以先天元年徙治黃冠村爲東黃城開元十一年徙黃草關爲今治更不足據今參攷後漢書注唐書地志元和志纂字記及明統志並互覈縣之地理舊蹟而定其說如右

一境界縣境形勝面山負海其界東北至柞楊鋪二十里東南至八里沙三十三里俱蓬萊界東南至豐義店四十里棲霞界南至黑山四十里西至黃山館六十里西南至界溝四十里俱招遠界西北至龍口四十里北至黃河營二十里東北至小河黃縣志卷之一

口二十五里俱瀕海距登州府治六十里距山東省治九百里距京一千八百里大抵縣之境界南北狹隘僅六十里依山傍海半係斥鹵沙磧東西稍廣約八十里多沃土焉

一都社乾山都在縣治西北取乾山爲名領社九曰黃山館曰官莊曰故縣俗作馬亭金史作亭明史作馬亭在縣爲鎮有甘泉鎮見金史僕散安貞傳今其地無可考曰白沙曰北馬曰北梧桐曰高王曰小杜莊舊有仁化社併入東北隅社在嘉靖十一年王馬社併入官莊社午塔社併入馬亭社在崇貞十二年也廬山都在縣治西南取廬山爲名領社十一曰七芥俗字不見字書土人於兩旁高中間低之地通呼曰楊官莊曰曲馬莊曰諸羊曰埠下曰橫埠曰南梧桐

曰諸高曰位莊曰南嶺曰呂家口舊有呂家嶺社崇貞十二年併入橫埠社萊山都在縣治東南取萊山爲名領社十二曰韓戰莊曰東石良曰西石良曰豐義曰文基曰黑山曰渠山曰東黃水曰唐家埠曰藍曲曰歐頭曰良馬莊平山都在縣治東北取平山爲名領社十三曰上莊曰蓬曲曰諸由曰義樂曰孫家疇曰小河曰徐官莊曰李家莊曰冶基曰北昌曰西南隅曰東北隅舊有江陵社嘉靖十一年併入北昌社唐家庄社順治十年併入諸由社別有登屯社原屬登州衛屯順治十六年入黃縣名登屯隸平山都凡四都四十五社舊十七鄉宋時三鄉見黃字記及九域志舊志云黃縣舊四十八社江陵仁化午塔在海濱嘉靖間海

黃縣志卷之一

風屬沙平地成埠而三社之地淪沒無存土人以爲海怪揚沙堆積成埠舊令薛大中命鑄巨釘鎮之而稍止年來冬春之交北風肆起治基一甲房舍俱沒如馬亭白沙等社瀕海者多不得收穫稍植雜樹僅取禦風而又恐成材後官府有徵租之擾康熙十年知縣李蕃親至其地詢知民情勸令各照邊地栽植給以免租帖爲後日計深遠也接白沙社沿海一帶之地東西相距十八里栽樹舊草以蔽風沙乾隆三十二年知縣徐祖蔭禁民伐樹創草立碑縣署南山中前此山寇倡亂民多流亡而東黃水東石良韓戰莊唐家埠等社荼毒尤甚李蕃見其廢址荒園荆棘滿目乃招集遺定各給牛種十一年審編每社實在人口止存百十餘

丁有不及百丁者麻億萬狀思議為併社之請尙未逮也

一山水其山曰萊山縣之鎮山也在縣東南二十里一名之萊

山縣五十餘里四望如一始皇武宣俱嘗祀之史記封禪書齊

有八神六日月主祀之萊山即此山也漢志黃有萊山松林萊

萊陰山仙聖所居府志萊山峰巒秀爽松柏蒼鬱山腰有仙人

洞下有石井蓮花池泉水自湧四時不涸縣志有四景曰古

洞朝陽清泉漱石松縣東南五里為鳳凰山兩翅平舒引頸昂

首宛然翔鳳故名鳳凰其巔有玉皇廟故俗名玉皇頂山為一

所闢堪輿家議建塔山上為筆峰咸豐三年塔圯當議復山舊

勒碑山巔永禁採石由是科名復盛東南十里為渠山東南十

道光二年知縣馬麟又刻石示禁為磨山山石可東南二十里為角山

五里為馬嶺山俗名馬嶺為磨山山石可東南二十里為角山

黃縣志卷之一

形如王榆山相傳有王姓種榆東南四十里為土山為石門

山為撥芝山土山環如城有石巖深廣丈餘可蔽風雨石門山

兩山相對如門撥芝山九峰環拱四壁聳翠茂樹清泉花香鳥

語別有天地山有菩薩洞仙人掌狀元峰挂榜石雲縣西南十

五里為貴嶺為象山為龍山貴嶺一名貴嶺縣志貴嶺

山形如龍首驛名龍山取諸此石壁鑲字苔蘚斑駁不可辨西

南二十里為義門山傳有王姓居此三世不異產故名西南二

十五里為盧山山色蒼秀水光清沁春松綴翠秋柿縈紅土人

所遊賞也西南三十里為鳳嶺山為蹲犬山鳳嶺山形如鳳喙

一名鳳凰山蹲犬山黃字記金史地俗名狗兒山一名麒麟山

後漢志縣志注引三齊記南有蹲犬山似犬蹲有神劉龍出西

縣西南二十里上石如蹲狗縣志近曰已人西南六十里

欲美其名呼為麒麟山進士姜重嘉有文勒石

為黃山與招遠接界黃山驛之名本此亦名魯基山以上為

之縣南二十里為絳山絳一為杏黃山絳山聯杏黃山又與萊

山西北麓相接中峰突兀西南北各起一峰勢若交椅杏黃山

自萊山西麓肩輿逶迤而來中隔一澗俗名線口陡起十餘峰

巒秀麗北至橫埠乃成平壤舊志山為一縣龍脈南四十里為黑山

志通志為石城山黑山為黃與招遠兩縣分界處石城山一名

芝陰山峰巒峭峻高聳雲表惟西北一徑可通山半有石壘相

傳為擱馬牆山口名南天門徑僅一線山中曠如奧如古松清

黃縣志卷之一

溪儼若洞天舊志北崖鑿石為曰者六昔人避亂遺蹟也清于

燕公順撫青萊濟于難據文登武德二年四月燕公順降四年

九月直于難降難之降最後當是先據文登後據黃耳以上

境之山縣東北二十里有山曰平山山勢平坦又有山曰蔚陽

山在芝山之陽接連萊界縣西北有山曰乾山距縣十里又有

二島曰桑島南距海岸十五里海岸之距縣也二十五里島中

多山桑有石田可耕春夏之交暑氣幻成樓市或為城郭舟楫

旌旗之狀輒回候變眩人耳目其西北有依島樵蘇者眾曰岬

岬島距縣四十里海岸有一線沙路可通島約二十里四面淤

田茅屋傳為明勳臣牧馬場也北境之山其水有黃水河為

縣之大川在縣東十里發源棲霞之麓山北流至趙家村入縣